

ignota, nostræ ætati reservata sunt; qua incognitæ quaquaversus regiones resectæ, gentes religione, lingua, institutis, moribus diversæ, ad omnes mundi plagas obstinata industria, assiduis maritimorum itinerum laboribus ac periculis inventæ sunt. 1595

M. D. LXXXXVI.

ANno partæ salutis M. D. LXXXXVI. Patrum animi a reliquarum rerum cura ad Illyricum conversi sunt; cum belli incendium, quo Pannonia, Boffina, & Croatia conflabant, sese adeo prope eos fines intulisset, ut pene flammis ea quoque provincia corripereetur. Nam cum diu de Clissa, munitissima arce, occupanda Uscochi agitaissent, eaque de re cum Politæ Comite, qui a Turcis defecerat, egissent, centum ac quinquaginta sibi ex ea ditione adjunctis, noctu per insidias arcem ingressi, custodes obruncant, ac momento oppido potiuntur. Postridie sexdecim Uscochorum myoparones subsidio superveniunt; Cæsaris vexillo sub lato, extemplo castellum Papæ nuncupatum deditio ne recipiunt. Clissæ suburbia solo æquant, commeatus invehunt, seque ad Turcarum impetum sustinendum comparant. Ea omnia cum Joanne Alberto, Spalaten si duce, qui novarum rerum cupidus una cum Vincentio Cincio, Francisco Martinio, Nicolao Novato, aliisque ejus sociis, Uscochis se adjunxerat, confecta fuisse nuntiaretur, verebantur Patres, ne eo vel ad pacem perturbandam aditus fieret, vel saltem Cæsareanorum ac Turcarum concursu iis in locis belli sedes constitueretur; medios vero inter se amicos Principes gerere, ab omnique suspicione immunes præstare difficillimum rebantur. Hinc publica pietas urgebat; inde cum potentissima gente diffidia ante oculos obversabantur. In hac rerum perplexitate in eam cuncti ivere sententiam, ut Benedictus Maurus, qui januarii initio legatus in Illyricum designatus fuerat, in provinciam proficisceretur, subjectos in officio contineret: ut a Clissa abstinerent, neque obortis se immiscerent tumultibus, curaret: in eos, qui Uscochis favissent, animadverteret; qua severitate, qua clementia in munere sibi delato uteretur. Præter copias ac triremes, quæ in Illyri-

Clissa ab Uscochis occupatur.

Benedictus Maurus in Illyricum legatus mittitur.